

2

IN CORNE-
LII TACITI

ANNALIVM

LIBROS



AEMYLII FER-

RETTI IVRISCON-

SULTI ANNOTA-

TIVNCV-

LAE,

*

VIRTUTE DVCE,



COMITE FORTVNA.

LVGDVNI APVD SEB.

GRYPHIUM,

1541.

IN CORN

LIBRARY

OF THE

UNIVERSITY

OF

AMSTERDAM

OF THE

LIBRARY

OF



AMSTERDAM

LIBRARY

OF THE

3.

T H O M A S S E R
T I N V S F L O
R E N T I N V S

L E C T O R I

S. P. D.

*



QUEM ADMODUM nullum esse arbitror scriptorem rerum gestarum præferendum Cornelio Tacito, siue similitudine temporum nostrorum, siue grauitate sententiarum, & peritia aulici regijq; moris: ita nullus mihi uidetur aut genere dicendi pressior, ac difficilior, aut iniuria temporum hominumq; corruptior, atq; contaminatio. Quamobrem ut utilitate ad legendum ducamur, difficultate mediussimius operis, ac uitio codicum deterremur: quæ me duæ res, maximè cupidum illius, uarie, diutissimèq; distraxerunt. Cum autem, quanta est nostra amicitia multis confirmata mutuis officijs, rem derulissimè ad Aemylum Ferretum, uirum cum in iure ciuili doctissimum, atq; exercitatisimū, tum in cæteris bonis artibus perdiligenter uersatum: obtulit ille mihi annotatiunculas quasdam (ut ipse tunc dixit) non ostentui, sed utilitati iamdiu ueluti sibi ipsi paratas, quibus loca propè omnia difficilia explicauit: restituit multa, quæ incuria librariorū foedè erant deprauata; atq; nihil ferè (ut summam

a z

dicat

dicatur) omisit, quod remorari lectorem potuerit,
nisi quæ manca adeo, & lacera erant, ut sanari nullo
la ratione potuerint: de quibus tamen admonet le-
ctorem, & sunt perpauca. Has igitur breues notas
cum utiles uel potius necessarias iudicarem stu-
diosè Cornelij, ædi curauit: nihil magis inuidiosum
existimans, quàm sibi ipsi consulentem, hominum
aut negligere, aut occultare utilitatē. Puto autem,
lector candide (si postquam has notas legeris, subi-
bunt animum, quæ prius aut planè inaccessa, aut
certè difficilia in Taciti Annalibus ad intelligen-
dum loca iudicaueras) omnino futurū, ut cognos-

scas me in ijs ædendis consuluisse communi

commodo: cui non inservire Christia-

num hominem, proximum esse

summo sceleri semper

sum arbitra-

tus,

A E M Y L I I

FERRETTI IVRIS ;

CONSULTI IN CORN.

TACITVM ANNOTA-

TIVNCV-

LA E.

EX LIBRO I.

Adulatione detererentur.



EXCITANTVR potius ingenia
corum, qui adulantur; facile mendacio
sumministrante materiam scribendi: con-
sumuntur tamen, & exeduntur, & cor-
rumpuntur adulando. Itaq; legendum
arbitror, Detererentur: uocabulo uulgo notissimo. Idem
Corn. infra lib. 18. Si quid, inquit, ardoris ac ferociae mi-
les habuit, popinis, & comessationibus, & principis imi-
tatione deteritur.

Quorum causas procul habeo. 2

Cause irae, atq; studij, sunt odium, & amor. Idem
Cornel. infra lib. 17. Sed incorruptam fidem professis nec
amore quisquam, & sine odio dicendus est.

Triumuii nomine. 3

Vt triumuir appellaretur: postea uero princeps ap-
pellabatur. supra paulo: Nominē, inquit, principis imi-

4 3

per

perium accepit: ut principis nomen, fuisse uetustius in eo, qui rerum potiretur, Imperatoris appellatione. Idem sequenti pagina: Principis, ait, nomine constitutam Remp.

Princeps iuuentutis.

4

Gradus hic erat principis informandi, & ueluti designati iam atq; electi: quod hodie in Imperatoribus, regis est Romanorum: in regno Galliae, Delphini: in Hispaniae, Principis.

C. Nauum id Cæsari.

5

Id, sup. arbitror.

Iuxta periculoso.

6

Sensus est, Cum æquè esset periculosum, seu uerum dicere, seu fingere falsa.

Ne arcana domus.

7

Hoc est, Ne palam inuulgarentur, quæ domi secreto tractabantur: quid, & à quibus consulcretur principi: cur aliquid fieret ministerio militum.

Quàm si uni reddatur.

8

Ratio scilicet imperandi.

Neu tristior primordio.

9

Malim tristiores, ut sit sensus: Ne lati morte Augusti, ne ue tristiores ingresso Tyberio ad principatum partim illachrymabantur, partim gaudebant, &c.

Nam Tyberius cuncta per Coss. incipiebat.

10

Quamobrem omnes apud Coss. iurauere in uerba Tyberij.

Tribunitiæ potestatis præscriptione.

11

Nomine, titulo ue.

Dabat

Dabat & famæ.

12

Volebat etiam ut crederetur.

Nam uerba, & uultum in crimen de-
torquebat.

13

Verba cuiusq; uultumq; notabat: eaq; in id accipiens,
ut mali in se esse animi signa crederet: reponebat animo,
deprompturus ex occasionibus.

Diem illum crudi adhuc ser-
uitij.

14

Diem scilicet, cum seruitium ferè tunc inciperet, &
libertas repeteretur infelicitè: ab alijsq; facinore pesti-
mo, ab alijs honestissimo, uideretur occisus Cæsar Dicta-
tor: quo die turbatum fuit funus eius: sed comparandum
haudquaquam cum hoc: tunc enim recens erat principa-
tus, facilis restitutio libertatis: nunc senem, &c. Legimus
autem in codicibus uetustissimis non, improspere repe-
rita: ut uulgò habetur: sed, improspere repetitæ: sci-
licet, libertatis.

Numerus etiam.

15

Fuit Augustus Consul terdecies: cum Valerius Cor-
uinus sexies consulem, & C. Marius septies egerint.
testis Cicero in Officijs. Qui coniuncti, numerū equant
consulatuum Augusti. ideoq; ait, simul æquauerat.

Multiplicata aut noua.

16

In eandem fermè sententiam Tranquillus: Magi-
stratus, inquit, atq; honores & ante tempus, & quosdam
nouī generis perpetuosq; cepit.

Necessitudine.

17

Necessitate, uerbo uetusto, & quo frequentissime usus
fuit Sallustius.

a 4

Multa

Multa Antonio tunc.

18

Eam dictionem, Tunc, culpa librariorum huc irrepsisse suspicor: & in duas, Vt, esse uertendam: quarum hic una manebit: alia transferetur in alium qui paulopost subijcitur locum, quam ab uno regeretur: ut sit, quam ut ab uno regeretur.

Obtentui sumpta.

19

Fuisse pretextum.

Tedij & Vedij Pollionis.

20

Tedios, & Vedios nusquam legi: praterquam quod idem Cornel. infra lib. 12. Mathios, inquit, & Vedios, & cetera equitum Romanorum praeualida nomina. ubi pro, Mathios, inusitata omnino uoce Romanis, legendum fortasse est, Tedios.

Necessitates ac largitiones.

21

Quae necessario essent eroganda, & quae sponte donarentur. Idem infra libro 13. Necessitatem appellauit erogationum.

Sed & sua conf.

22

Malim, ut & sua.

Quinam adipisci.

23

Hoc est, cum tractaret, qui possent sufficere imperio, & nolient: qui non possent, & uellent: qui postremo possent, & cuperent.

Non adesse apud te.

24

Legi in codice Mediceo, longe omnium quos legimus emendatissimo pro, Apud te, Caput.

Vbi per nomen agrorum.

25

Per speciem accipiendorum agrorum, & tanquam pro agris.

Denis

Denis in diem assibus. 26

Et paulopost, Vt singulos denarios mærent, ex quibus fit planissimum, denarium pluris fuisse quàm x. asses: & in sequētibus, Vt denarius diurnū stipendium foret. Cum enim x. asses singuli reciperent, & denarium cuperent, constat x. assibus plus ualuisse denarium: quod eo magis miror, quia Plin. li. 33. cap. 3. In militari, inquit, stipendio semper denarius pro x. assibus datus.

Intus operis. 27

Medicæus codex, Inuietus operis, habet.

Quosdam ipsi manipuli fidei documenta. trad. 28

Veluti pignus & testimonium fidei.

Vnda raptabantur. 29

Insuetè de imbre.

Præsentia satis considerant. 30

Confederant, malim.

Legata quæ petiuerant. 31

Ad id refertur, quod supra scripsit de Augusto: Legata non ultra ciuilem modum, nisi quod populus Roma. &c.

Latera concædibus munitus. 32

Non habet, Munitus, quò refratur: itaq; malim, munit. Sunt autem Concædes ex Cæsaris cōmentarijs munimenta castrorum ex arboribus syluâq; facta.

Incessitq; itineri & prælio. 33

Agmine ita instructo, ut ad iter aptū esset, & ad bellum.

Leues cohortes. 34

Hoc opponitur densis.

Vt opus & alij.

35

Id est, ut alij opus castrorum, alij praelium inciperent.

Decumana porta.

36

Hæc porta quod auersa esset hostibus, maxima erat portarum: ideoq; dicta Decumana, ueluti fluctus decumani, magni sunt, autore Sexto.

Odia in longum iaciens.

37

Ex presentibus futura proponens, ex quibus cause odij nascerentur: quæ quoniam in longitudinem respiciebant; recondebat animo Tyberius: itaq; augescebant alia cogitationibus: promebanturq; tandem multiplicata & inexpectata.

Breui a profundis.

38

Hæc inter se opponuntur. Idem infra libro 5. Pulsoq; introrsus freto breuia littorum nudantur. hoc est, minime profunda.

Nox uox &c.

39

Melior omnino lectio est, Nec uox, & mutui horum tatus iuuabant.

Aerarij prætoribus.

40

Præfectos intelligit: nam prætoris nomen in eo manet qui præest tribunali, & iurisdictioni.

De modo Lucaris.

41

Lucar, inquit Sext. appellatur æs, quod ex lucis capitur: & lucaris pecunia, quæ in luco dabatur. Hic uero premium significat, & æs, absolute.

EX LIBRO I. I.

Gentis Arfacidarum.

I

Familia erat, & genus: quale Romæ primo Iuliorum, deinde

deinde Claudiorum, postremo Flauiorum: unde Iustinianus Flavius inscribitur.

Vilissima utensilium anulo clausa. 2

Obfignabāt enim etiam quæ uilissima essent, ne quid furto negligentia uel periret: quod Barbari indignum rege existimabant.

Ignotæ Parthis uirtutes. 3

Sensus est, contemptui fuisse Parthis noua uitia, lectica scilicet gestamen, segnis equorum cura, rara uenatio, et similia: nec minus prompti aditus, obuia comitas, uirtutes ignotæ Parthis: quæ quoniam maioribus eorum aliena fuerant, perinde odio habebantur omnia: æquæ enim oderant et ignotas suis uirtutes, et noua Romanorum uitia.

Quamquam sociatis. 4

Coniunctis matrimonio inter se. Suetonius August. Reges socios etiam inter semetipsos necessitudinibus mutuis iunxit.

Viditque se operatum. 5

Sacrificio facto. Cornelius alibi tamen accipit Operatum, pro eo qui dedit operam, infra libro 3. Studijs ibi operatum. Columella de Re rusti. Si rebus Venercis fuerit operatus, uel uir, uel femina.

Non campos modo. 6

Non solum campos et plana apta esse militi Romano, sed syluas etiam, et saltus, si ratio adsit: nec posse uti Barbaros inter truncos arborum et uirgulta scutis, et ingentibus hastis,

hastis tam commodè, quàm Romanum militem pilis, & gladijs, & tegminibus hærentibus corpori: ideoq; densarent ictus. &c.

Aliud sibi reliquum.

7

Nihil, intellige.

Firmius Catus Senator.

8

De hoc eodem infra lib. 4. Eadem pœna in Catum Firmium, &c.

Cùm diuersa prætenderent.

9

Eadem omnes formidabant: causas autem adducebant uarias, cur excusandi essent.

Mancipari singulos actori publico.

10

Addici publico actori. Idem infra lib. 3. Seruos quoq; Syllani ut tormentis interrogentur actor publicus mancipio acceperat. Cùm enim quæstio olim de seruis haberi non posset in caput domini: addicebantur alteri, ut in priorem dominum torquerentur. Sed Actor publicus erat seruus publicus, qui publicis tabulis, publicisq; rebus præponebatur: de quo latè scripsi in meis commetarijs ciuilibus: unde scire licet, cur alibi Seruus publicus, alibi Actor publicus, alibi Persona publica appellatus sit.

Quasi auretur.

11

Aliàs, augeretur.

Eandem uim in me transfere.

12

Aliàs, transmittere.

Centesima uectigal.

13

De hac idem supra lib. 1. Centesimam rerum uenalium post bella ciuilia institutam deprecante populo: edixit Tyberius militare ærarium eo subsidio niti. Dicta est autem

tem Centesima, quòd in singula centum, quæ pretium rerum uenaliū faciebant, unum in uestigal principis contribuebatur.

Et transfugis paulatim nudatus. 14

Hoc eò pertinet, quod supra proximè legitur: Ni Inguimerus cum manu clientum ad Maroboduū persugisset.

Magnetes à Sipylo. 15

Plinius libro 5. c. 29. Smyrneum conuentum, magna pars Aetoliæ, quæ mox dicitur, frequentat: præterquàm Macedones Hyrcani cognominati, & Magnetes à Sipylo.

Libero, Liberæq; & Cererì. 16

Liberum Patrem & Proserpinam, filios Cereris, per Liberum & Liberam intelligimus.

Cæsariq; connexa. 17

Sanguine proxima atq; coniuncta: quippe quòd neptis esset sororis Augusti. Itaq; legendum arbitror infra libro 4. Connexus, non Connixus, ut uulgò habent Codices. Publium, inquit, Dolabellam socium delationis extitisse miraculo erat: quia claris maioribus, & Varo connixus, suam ipse nobilitatem, suum sanguinem perditum ibat.

Adulteriꝝ grauiorem pœnam. 18
Capitis scilicet.

Namq; ei, ut memorauì, auunculus Augustus, &c. 19

Proximè hoc eodem libro: Claritudine, inquit, materni generis Germanicus Drusum fratrem anteibat: æquum M. Antonium, auunculum Augustum ferens. Est autem

autem Auus, (ut scribunt Caius, & Paulus de Gradi-
bus) Patris & matris pater: Auunculus uero matris fra-
ter. Sed Auus hic significat maritum Auiae: fuit enim Ger-
manicus, autore Tranquillo, uxoris Augusti nepos. Ne-
ptes, ait, duas Iuliam & Agrippinam habuit: Iuliam, L.
Paulo Censoris filio: Agrippinam, Germanico uxoris suae
nepoti collocauit.

Areo iudicio.

20

Vicus erat à Marte Athenis dictus Areopagus, ubi de
capite iudicia exercebantur: quamobrem Areum iudici-
um, dixit Cornelius, tanquam capitis iudicium.

Principis Romani, non Parthi regis filio.

21

Apud Cornelium infra libro 17. Galba Pisonem ado-
ptans, Neque hic, inquit, ut in ceteris gentibus, quae re-
gnantur, certa dominorum domus, & ceteri serui: sed im-
peraturus es hominibus, qui nec totam seruitutem pati pos-
sunt, nec totam libertatem. Sentiebat igitur Piso in dandis
coronis non adeo magnum fieri oportuisse discrimen in-
ter se & Germanicum: quamuis enim principis filius es-
set Germanicus, tamen esse eius principis, qui non subie-
ctos ut seruos, sed regendos ut liberos & amicos ciues
suos accepisset. Itaque non dari epulas filio Parthorum regis
omnium domini: sed filio principis Romani, amico, &
propè aequali cum ciuibus iure uiuenti.

Non sponte principis.

22

Non uoluntate & permissu principis. Idem infra li-
bro 4. Extructa iam sponte praefecti castra: hoc est, iussu
su Praefecti. Et alibi: Proxima sponte inimicorum rece-
pta. id

pta. id est, uolentibus inimicis.

Seposuit Aegyptum.

23

Sensus est, uoluisse Augustum neminem illustrem, nisi concessu principis ingredi Aegyptum: ob eam causam, quod quicumque eam prouinciam occupasset (quoniam claustra ueluti esset terræ, ac maris, quæ paruo præsidio contra ingentes exercitus teneri ualarent) posset facile fame premere Italiam: Aegypti autem fecunditas est multo maxima: ideoque Cornelius infra lib. 19. eam appellat claustra annonæ, & uestigal prouinciarum: & alibi, annonæ fecundam. Idem libro 12. At hercule, inquit, olim ex Italiæ regionibus longinquas in prouincias comæatus portabantur, nec nunc infœcunditate laboratur: sed Africam potius, & Aegyptum exercemus: nauibusque & casibus iuta pop. Roma. permissa est.

Ne si quando insolescant Sueui.

24

Mallem si quando, circumscriptis duabus illis prioribus literis.

Infelici fecunditate fortunæ toties obnoxia.

25

Toties enim poterat in fortunæ iniurias incurrere, quoties pepererat.

Sexaginta dies ad consultandum dados.

26

Sexaginta dies (ait Papinianus) qui marito accusanti utiles computantur: feriatis quoque diebus, si modò facultatem Præsidis adeundi accusator habuit, numerari certum est.

Ea superstitione infecta.

27

Superstitionem Aegyptiam & Iudaicam nemo hic dubitet

bitet cultum Deorum, sectamq; Aegyptiorum ac Iudaeorum significare. Corn. infra lib. 21. tractans res initiaq; Iudaeorum: Postquam, inquit, Macedones præpotuere, rex Antiochus demere superstitionem, & mores Græcorum dare adnixus. quamobrem arbitror Vlpianum in titu. de Decurionibus, sensisse Iudæos non prohiberi esse decuriones, non autem retulisse rem ad Christianos. Verba illius hæc sunt: Eis qui Iudaicam superstitionem sequuntur, diui Verus, & Antoninus honores adipisci permisserunt.

Statuit frumento pretium. 28

Hoc est, certum pretium statuit, quod ab emptore solueretur: sed ipse in singulos modios binos nummos datum se spondit.

EX LIBRO III.

Quid pro tempore foret. 1

Quid esset accommodum tempori.

Diuerſa oppida. 2

Deiua oppida.

Indices & testes. 3

Valde interest inter utrosq; Peditanus scribit, Indicem esse, qui facinoris, cuius ipse est conscius, latebras indicat, impunitate proposita. Sed Indiciū equidem arbitror ad id pertinere, quod coniectura assequimur, & suspicionibus: & quod crimē non probat, sed indicat. Testimonium uerò dicimus de rebus uisis: aut auditis: ex quibus crimen non indicatur, sed probatur. Corn. infra lib. 15. de Secuino & Milicho: Fomesta, inquit, uulnētibus nulla uiso suo: Sed quia cætera dālam uana obieciſſet, adiungere crimen uisum,

uſum, ſe pariter iudicem & teſtem facere. Abutuntur ta-
men interdum ſcriptores.

Senatus nunquam ſatis credito ſine
fraude Germanicum interſiſſe ſcri-
pſiſſent. 4

Lacunam hic eſſe neceſſe eſt, deſunt enim quædam, quæ
ſuſpitione & coniectura reſtitui poſſent : ſed ſine emen-
datoris ope codicis temerarium eſſet.

An adhuc experiretur. 5

Experiri dicitur tam aſtor, quàm reus : ſed ſæpius ad
aſtorem pertinet. Eſt autem ad iudicem ire, aut in alium,
aut pro ſe.

Cùm militari cuſtodia habe-
rentur. 6

Rei aut in uincula ducuntur, aut militibus traduntur,
quæ militaris cuſtodia dicitur : aut fideiuſoribus credun-
tur : aut ſibiſſis, fide accepta non abituros : quæ libera
cuſtodia dicitur. Horum autores Vlpianus & Mar-
tianus.

✓ Illuſtrium domuum aduerſa. 7

Subolet hîc deſſe nonnihil : ibiq; ſinem eſſe periodi, à
lepida petitem.

De moderanda Pappia pop-
pea. 8

Lex hæc eſt, de qua ſenſit Tranquillus Auguſto : Le-
ges retractauit, & quaſdam ex integro ſanxit : ut Sum-
ptuariâ, & de Adulterijs, & de Pudicitia, de Ambitu, de
Maritandis ordinibus. Hanc cùm aliquanto quàm cæte-
ras ſeuerius emendaſſet, &c. Continebatur autem lege
Pappia, ut decima ciuiſ, quod legabatur à uiro uxori,

et contra, si non extarent liberi, ex eo matrimonio ad
 fiscum perueniret. Quamobrem et calibatus punieba-
 tur, et augebatur aerarium. Ex quo paulopost subijci-
 tur: Et lege papia poppæa præmijs inducti. ubi lacuna
 est proculdubio: deest autem sensus huiusmodi: Et mul-
 tati legatorum decimis, alijsq; pœnis, ut si à priuilegijs
 parentum cessaretur: hoc est, ut si nollent habere præmia
 parentum, uelut parens omnium populus, &c.

Attamen initia fastigio= rum.

Attamen id fuit initium Cæsaribus ad summum fasti-
 gium, et tunc petente Augusto priuignis Tyberio, atq;
 Druso quæsturam ante tempus, et solutionem x xui-
 tus, respiciebant homines serè ueterem morem: præcipuè
 quia minor erat causa, leuiorq; coniunctio sanguinis Au-
 gusto cum Tyberio et Druso, quàm Tyberio cum Ger-
 manico.

Siue ut amoto patre Druso.

Hic omnino desyderatur alia portio alternatiue or-
 rationis.

Oratorum ætate.

Malim, ea ætate.

Oppiis quondam.

Oppiam legem tulit C. Oppius in medio, ut ait Liuius,
 ardore Punici belli notissima contentione M. Portij Ca-
 tonis. per oppias autem et illam, et alias haud absimiles,
 significauit.

Dum ædificationibus.

Pro eo quod est, emendandis rebus: nisi in uerbo men-
 dum sit.

Multiq;

Multiq; etiam pedarij senato=
res. 14

Pedarij dicuntur, autore Gellio, ex commentarijs C. Bassi, qui nondum gessissent curulem magistratum, quòd pedibus itarent in curiam.

Promisit Cæsar, recitauitq; decre=
tum. 15

Promptis Cæsar, aliàs.

Vt Pontificis Maximi arbitrium,
plusquam, &c. 16

Ita legendum arbitror, Vt pont. Maximi arbitri-
um, dum ne plusquam binoctium abesset; ne die-
bus publici sacrificij, neu sæpius, &c.

EX LIBRO IIII.

Neq; senatus ambitu absti=
nebat. 1

Ea largiendo, quæ ambitu & precibus ab senatu im-
petrari consueuerant.

Neq; multo secus in ijs uirium. 2

Sensus est, Quæ prouinciæ idoneæ essent auxilijs dan-
dis, habebant Triremes socias, & alas & cohortes au-
xiliares: in quibus non minus erat uirium, quam in co-
hortibus suis. sed illud erat incertū: quia ex utilitate tem-
porum huc & illuc meabant, augebanturq; & minue-
bantur.

Et ultor metuebatur. 3

Scilicet, Drusus.

Quæ prima & apud filium. 4

Malim Ei, facili transitu unius literæ.

Nam patritios confarreatis parentibus.

5

Plinius lib. 18. Quin & in sacris, inquit, nihil religiosius confarreationis uinculo erat: nouæq; nuptæ farreum præferebant. Constat autem ex hoc loco, peruetustas ualdeq; fuisse difficiles cerimonias contrahendi matrimonij per confarreationem. De hoc Boëtius in Top. Cicer. lib. ij. prope initium.

Cum æquabili autoritate, & gratia,

6

Acquæ ualebat apud Tyberium autoritate & gratia.

Quin ipse comperi.

7

Cæsari, cum in seuitiam laberetur, eluctabantur ferè uerba & erumpebant, tanquàm ui coacta, & composita: quoties subueniret solutius, &c.

Catus ut retuli Libonem.

8

Hic est Firmius Catus Senator, qui Libonem iuuenem improuidum & amicum ad Chaldaeorum promissa impulit, eundemq; accusauit. de quo supra lib. 2.

Lege Iulia damnasset.

9

Qua capite puniebantur adulteri.

Dentheliatem agrum.

10

De Limenetide Diana nihil me legisse memini: scio tamen ex probatis autoribus, oram illam terræ, quæ in Messenios spectat, abundare templis Dianæ, Veneris, ac Neptuni, Strabo uerò libro 8. ita scribit; Dianæ palustre templum in Laconica, siue Messeniæ terræ finibus est: ubi uterq; populus commune sacrificium cōuentumq; celebrabat: in eum profectas feriatum uirgines Messenij procaciter incesserant. Cum autem Messenij uiolatores nullis

Cogita.

nullis poenis multassent, conflatum est bellum inter utrumque populum: frequenterque dimicatum fuit. Fortasse igitur appellauit Corn. Dianam Limenetidem, tanquam stagneam: λιμνῆτις enim stagnea est, siue palustris: et *cur non à portu?* legendum erit Limnetidis, non Limenetidis. Denthe-
liatis agri autem à nemine, quem legerim, mentio facta est, quantum modo recorder.

Vbi specie studiorum. 11

Strabo est autor, post bella ciuilia consueuisse Roma nos mittere liberos suos Masiliam, ad Græcas disciplinas discendas.

Fossam loricamque contexens. 12

Lorica Vitruuio sepimentum est.

Esse in ciuitate. 13

Inter hæc, et illa uerba, Germanici coniugem, nec minem arbitror esse, qui aliquid non desyderet.

Eques Romanus præter Seianum. 14

Aliàs, Nullus eques Romanus, etc.

Claris maioribus quam uetustis. 15

Id est, clarioribus, quam uetustis. Vlp. similiter: Cum posset talem causam non suscipere, quam decipere. Et alibi: Alioqui compelletur iudicium accipere, quam inuenire eos possit. Terent. Si quisquam est, qui se placere studeat bonis quam plurimis: nam Plurimorum uerbo Mali significantur. autore Non. Marcello.

Qui dux gentis Ethruscæ cum auxilium appellatum tauisset. 16

Malim, ductauisset.

Egens aduersus proximos. 15

Aliàs: Etiam aduersus proximos.

Terga urorum. 16

Vri sunt haud absimiles boum; colore nigro, stri, & cursu excellentes, familiares Germaniæ. autores Casar, & Plinius. Hi fortasse sunt, quos Pisis Bufalos appellant uulgo.

Donec idq; uetitum. 17

Què, pro eo quod est, quoq; quasi, Id quoq; uetitum.

EX LIBRO V.

Mater impotens. 1

Supra libro primo de eadem impotentia muliebri.

Sed paratos ad ultionem uirum principis impedire testarentur. 2

Maxima hic rerum multarum facta iactura est: præsertim de Sciani consilijs in Casarem, domumq; Cesaris, & cæde illius, atq; suorum.

Sellariorum & spintriarum. 3

Sellaria loca sunt à sellis dicta, ubi domi sedebant, qui de re aliqua conuenerant, apud Plinium. Sed accipi consuevit pro Fornice, locisq; uoluptuarijs. Martial. In sellariolis uagus popinis. quod ibi ferè sedendo uoluptatibus detur opera. Hoc autem significat hic, dum ait, Ex foeditate loci. Spinthrias uerò aliter Cornelius, aliter Tranquillus accipiunt: hic enim ex multiplici patientia ductum putat uocabulum, ille autem inquit, monstri concubitus repertoires, quos Spintrias appellabat.

Ablata

usque id
sig. si consi-
derat.

Ablata ærario ut in fiscum cogeretur. 4

Ærarium, populi Romani est: Fiscus, Imperatoris. infra paulò post: Signatum argentum fisco, uel ærario attingebatur.

Nouendialem eam cœnam. 5

Nouendiale sacrum erat mortuorum: itaq; accusatus fuit, quòd natales Augustæ epulas, cœnam mortuorum appellasset: tanquam fuisset is ortus feralis atque exitiabilis.

In cohortem suam. 6

Inter suos comites recepit. Alibi dixi multa de cohorte.

Scauro Mamercio simul ac Sabino. 7

Hoc est, unà cum Scauro Mamercio.

Quo per discessionem facto. 8

Senatusconsultum (ut scribitur à Gellio libro 14.) fit duobus modis: aut per discessionem, si consentiretur: aut, si res dubia esset, per singulorum sententias exquisitas. Corn. infra lib. 13. Postquam discessionem Conf. permisit, pedibus in sententiam eius iere.

Nihil ad serium. 9

Nulla re seria illi coniunctus: prodigientia duntaxat, & uitæ mollietie, &c.

Ambigens patriam & declinans. 10

Quid si legas, ambiens.

Sed creditores insolidum appellabant. 11

In summa inopia rei nammarie, cum nō haberet debi-

tores unde solueret, duabus quidem scenoris partibus satisfaciebant agris tradendis ex Sen. Cons. reliquū uero uel agros similiter occupaturum erat, uel apud debitores residebat. Itaq; solidum petebant ex agris sibi solui creditores, negantibus debitoribus propter agrorum uilitatem. Cum autem nollent magistratus minui fidem: hoc est, uellent omnibus integrum solui: ita primum concursatio, &c.

Quantoq; scuitia glisceret.

12

Quanto maior erat scuitia in damnatos, eo minus misereri poterant affines, propinqui, proximi, amici.

Obijt eodem anno M. Lepidus.

13

Cum ait, in prioribus libris, quartum librum indicat, huic proximum, atq; coniunctum: quamobrem suspicor culpa temporum ex libro 5. & 6. unum extitisse nobis quintum hunc librum: præsertim cum omnia desiderentur, quæ ad Seianum pertinent: quæ longo ordine uerisimile est pro diligentia & cura scriptoris tractata fuisse: ideoq; supra de Agrippina: Eodemq;, inquit, die defunctam: quo biennio ante Seianus pœnas luisset. Et infra: Quanquam triennio post cædem Traiani. De quo, quamuis exiguo, et propè contemnendo, admonitum tamen esse lectorem uolui.

Quorum scæptuchi.

14

Sceptrigeri (ut ita dicam) quod ad principes, regesq; refertur.

Suouetaurilia.

15

Lustrabatur exercitus mactatis sue, oue, taurisq; tribus: ut autor est Liuius li. 1. Inde nomen compositum fuit à Corn. Suouetaurilia.

EX LIBRO XI.

Caueri uim. 1

Aliàs, Caueret uim.

Lege lata sæuitiam creditorum
coercuit. 2

Dabatur olim fœnori pecunia adulescentibus, collata solutione in mortem patrum: quod uel fœnoris magnitudine, uel ob turpitudinem faciebant fœneratores. Claudius autem interdixit ne quisquam filijs familias fœneraret in mortem parentum: quod deinde Senatusconsulto confirmatum fuit Vespasiano imperante. Tranquillus: Autor senatui fuit decernendi, ne filiorum familias fœneratoribus exigendi crediti ius unquam esset: hoc est, ne post patrum quidem mortem. Id Senatusconsultum Macedonianum appellatum est.

Et formæ litteris Latinis. 3

Plin. lib. 7. ca. 38. Veteres Græcas fuisse easdem penè, quæ nunc Latina, indicio erit Delphica tabula antiquæ æris, quæ, &c.

Inter Mosam Rhenumq;. 4

Ter ea tentata res est, quantum me legisse memini, sed non iisdem locis: causa tamen semper eadem manente. Primum à Corbulone, qui tantum cogitauit, ut incerta oceanus uectarentur Rheno ad ea loca, quæ Mosellam continebant. Deinde à L. Vetere, qui cōiungere instituit Mosellam atq; Ararim: ut mari copię primum, inde Rhodano, & Arari, & Mosella, & Rheno in occidentem ueherentur. De L. Vetere idem Cornelius lib. 13. Vetus, inquit, Mosellam atq; Ararim, facta inter utrunq; fossa, cōnecte-

b 5 re parab

re parabat, &c. sed Helij Gracilis, Belgicæ legati inuidia factū est, ne id efficeret Vetus. Postremò Carolus Magnus, Rex Francorum, duo flumina Radantiam & Alcmoram interse coniungere tentauit, inter quæ breuissimum dicitur esse interuallum: quorum fluminum Radantia in Rhenum exit: Alcmora uerò in Danubiū. Quamobrem constat, idem cogitasse Carolum & Corbulonem. Sed producta olim fossa à Corbulone, necesse est illam aut incuria temporibusq; aut aliquorum operis & labore reddisse ad priorem soliditatem: uel longe diuerso loco Carolum & Corbulonem id tentasse. Constat tamen ex annalibus Frācorum processisse opus Carolo ad trium milliarium longitudinem: deinde inuentum fuisse limum palustrem, quæ nullis operis exhauriri potuit: noctu enim excrescebat abundantius, quàm die multo labore fuisset exhausta. Itaq; rem Carolus omisit.

Incerta Oceani uetarentur.

5

Aliàs, uetarentur.

Mihi uidetur ex se natus.

6

Vt qui seipsum imitetur, sibi constet, sui sit similis, parem non sit sequutus.

Quod lex curiata.

7

Quāuis enim priores Reges Quæstores habuerint: tamen constat, suffragio populi, non uoce principis creatos fuisse. Autor est Iunius Gracchanus, teste Vlpiano.

Qui capitolio, & Ara Romana.

8

Tanquam si dicat, Quid si exoriretur aliquis ex eorum memoria, qui prostratis Capitolio & Ara Romanā manibus corundem. Verum hīc desyderatur nonnihil: imperfecta enim sententia est.

Omni

Omni Italia in senatum accitos. 9

Hinc apparet, Italiam non protendi usq; ad Alpes, quando aut de iurisdictione, aut de priuilegijs agitur. quamobrem Tranquillus C. Iulio: Crassum, inquit, Pompeiumq; in urbem prouinciæ suæ Lucam extractos compulit, &c. Idem: Consequutusq; cohortes, ad Rubiconem flumen, qui prouinciæ eius finis erat. Constat autē Iulium Cæsarem fuisse prætorem utriusq; Galliæ: de quo scripsit late in Commentarijs ciuilibus.

Postremo ipsam. 10

Romam intellige, & ciuitatem.

Sed ne Silius summa adeptus. 11

Ita uulgò legitur: in quibusdam tamen codicibus scriptum comperi summam adeptus: ceterum priorem lectionem magis probo.

Cuius apud prodigos. 12

Quam Infamiam, qui prodigunt & profundunt, nihil habet præterea uoluptatis: nam ut scribit Seneca: Improbaram uoluptatum post ipsas poenitentia est: uel quibus infames esse cõtigit, nihil superest præter uoluptatem.

Dum industria cubiculum. 13

Quasi intus & domi, uerbo repetito à uetustate. Industriū enim antiqui dicebant indostrium, quasi quicquid ageret intrò strueret, & studeret domi, autore Sext. Alio qui ociosa est hîc ea dictio, uel potius abundat.

Quod ei cîs Vectium Plancium. 14

Hic locus fœdissimè corruptus est, usque ad ea uerba, An disidium &c. Imò aliquid proculdubio deest. Principiō Vectij Plancij mentio nulla est, aut apud hunc alibi, aut apud alios, qui de Claudio scripsere, quantum nunc memini:

memini: Vectis ualentis infra tamen meminit frequenter, tanquam indicium offerentis, remq; confessi. Deinde quid est, non fuisse cum nunc obiecturum adulteria, ne redderet domum & seruitia? nam si ad Claudium referuntur: cur inquit statim frueretur imo ijs: sin autem ad Silium, aut Messalinam: cur non erat dicturus adulteria, ne redderent hæc principi, quibus auctæ fuissent res principis? Quamobrem omnino desideratur aliquid, & locus est cōtaminatissimus: ubi nihil aliud possis, quam temerè addere, & diuinare.

Adulto Autumno.

15

Alibi, adulta ætate, infra legitur: id est, iam prouecta ætate.

In pretium probri celsisse.

16

Quicquid enim fuerat insigne apud Neronem & Drusos, ad Silium transtulerat Messalina, tanquam pretium ac mercedem adulterij.

Decreta Narcisso quæstoria insignia.

17

Decreta sunt, inquit, insignia quæstoria Narcisso: quod cum esset ille tertius inter liberos, potens gratia apud principem, minimum erat fastigij eius: atq; erant illa quidem decora insignia: per quæ tamen deterrima facienda facultatem Narcissus haberet: quia flagitia propter dignitatem uel inulta erant, uel multa: utrunq; enim legi in diuersis codicibus. Quod autem liberti potentes essent apud Claudium, autor est Tranquillus: His, inquit, uxorisq; addictus, non principem se, sed ministrum egit: cōpendio cuiusq; horum, uel etiam studio ac libidine, honores, exercitus, impunitates, supplicia largitus est. Quod autem

autem Callistum & Pallantem præponit Narcisso, aliter habetur apud eundem Tranquillum, qui Narcissum & Pallantem tradit fuisse præcipuos, quos amauerit, quibusq; crediderit. Callisti tamen & Pallantis, ut maxime principi gratorum, meminit Cornel, initio libri sequētis.

EX LIBRO XII.

Consensui imparem. 1

Plus quàm se solum posse consentientem senatum.

Addictum quasi, & uirile seruitium. 2

Venditum matrimonio seruitium uirorum.

Vnde uis Agrippinæ citra ultima stetit. 3

Vis Agrippinæ intra mortem stetit: non adco incendit eam, ut puniri capite uellet: quia laudauerat princeps furtiua nullaq; libidine.

Desolatus paulatim. 4

Desolare, est tanquam de solo deiscere. Vergil. Vidimus ingentes & desolauimus agros. Desolatus ergo deiectus est, & demissus. Tacit. infra libro 16. Viduata, desolataq;.

Sycambri exciti. 5

Hodie Geldrenses esse creduntur: diu habiti socij fratresq; Gallorum: pro quibus non semel arma mouere Galli in Alemannos.

Et si non prælium. 6

Idcirco leti erant hostes, quòd bellum cum illis gerens periisset, quamuis prælio non interemptus: & quod dux erat non contemnendus.

Quam

Quem Imperatore genitum.

7

Imperatoris nomine tunc demonstrabatur, qui cum imperio præfset exercitui, nomine tali parto assensu militari, & confirmato à principe, ob res egregie gestas. Hic autem significatur Germanicus, de quo Tacitus supra lib. i. Exercitum reduxit, nomenq; Imperatoris autore Tyberio accepit: Et idem infra libro 13. de Nerone iam principe post Artaxata euersum à Corbulone: Ob hæc consalutatus Imperator Nero, &c. Hæc autem postea appellatio transijt in eos, qui potiti rerum sunt. Soror uero fuit Agrippina Caligulae, coniunx Claudij, mater Neronis, unicum ad illam diem exemplum.

Ne dubitaret armis.

8

Hoc est, ne dubitaret malle incruentas conditiones, quam armis scilicet partas.

Ne cæteri quoq; ex Peligno coniectarentur.

9

Ne coniectura Peligni cæteri idem uoluisse crederentur.

Distringit Acinacem.

10

Nemo est qui nesciat esse Medorum Persarumq; gladium, teste Horatio.

Defertur ad patres de pœna foeminarum.

11

Hoc dictum fuit Senatusconsultum Claudianum. autor Tribon. in Institutio. titu. de Successionibus sublatis, quæ fiebant per bonorum possessionem: & de Senatusconsulto Claudiano.

Sanè præbuerant Iudæi speciem motus.

12

De hac eadem seuitia Felicis idem Corn. infra lib. 21. Iudeam

Acam provinciam equitibus Romanis, aut libertis permittit: è quibus Antonius Felix per omnem sævitiam ac libidinem ius regium scruii ingenio exercuit. Sed locus hic corruptus est: nam illud, Cognita cædes eius, non habet quò se referat: tantum enim abest ut occisus fuerit Felix, ut potius causa cognita, absolutus inter iudices steterit: quod paulopost Corn. tradit. Referri uerò ad motum factum, dum imperaret Caligula, haud quaquam commode potest. Itaque si coniectura sit utendum, ita ego legerim: Postquam cognita sæuitia, cæde eius haud temperatum esset: sed manebat metus, &c.

Senatus quoque consulto cautum. 13

Ius quidem refertur ab Ulpiano: sed Senatusconsulti nulla mentio est in libris Ciuilibus.

Lege agi.

14

Neque id mirum, cum loco regum agerent, ut scribit idem Tacitus lib. 17. Quæ uerò sint legis actiones, explicat Pompo. de Orig. iur. Deinde ex eisdem, ait, legibus eodem ferè tempore actiones compositæ sunt, quibus inter se homines disceptarent; quas actiones ne populus ut uellet institueret, certas solennesque esse uoluerunt. Et appellatur hæc pars iuris, Legis actiones: quamobrem apud eos dicimus esse legis actiones, apud quos instituere possumus actiones ex lege duodecim tabularum, &

iure Ciuili ueteri: ideoque apud quæ

stores minores ac magistratus ad

ptiones fieri non poterant,

quæ ex lege duodecim

tabularum consti-

tutæ fuerant,

EX LIB.

E X L I B R O X I I I.

Sed neq; Neroni.

1

Sed Nero non tam erat natura demissus, ut seruos magni faceret: & ille tedium sui mouerat.

Vetera & præsentia contendere.

2

Comparare.

Et spe inanium.

3

Etiam ualidus ad spem commouendam inanium rerum, quales sunt, apparatus familiares, uestes, equi, ornamenta, & cætera, quibus uulgus moueri solet, & quibus species inest magni animi: cum tamen inania sint, & aliena.

Et Vologeses quo bellum &c.

4

Dedit obsides: uel ut qui tunc erat impar bello, pararet interim nulla molestia, quæ æqualem illum redderent: uel ut amoueret suspectos.

Regnum lusu sortientium.

5

Antiquum ergo est, quod quotannis nunc quoq; fit mense Ianuario à nostris: creatur enim Rex, qui aliquid imperet in formam regie dominationis, collusoribus.

Acerba funera.

6

Id est, immatura.

Aut existat qui in urbe.

7

Aliàs, ut existat.

Ille an autor constitutionis fieret.

8

Vt scirent, an ille autor constitutionis fieret, ut pote quæ à paucis postularetur, & sententiæ plurium aduersis: scribit enim supra, Nec decrant, qui censerent, tanquā si consensus senatus aliud decerneret. Deinceps quæ sequuntur

quantur ita legenda arbitror: Quibusdam coalitam libertate irreuerentiam eò prorupisse frementibus, ut ne æquo cum patronis iure agerent, sententiam eorum conculcarent: ac uerberibus manus ultrò intenderent, impellerent uel pœnam suam dissuadentes. Nam cum maior esset iniuria quàm pœna, satis dissuadebatur uerberibus inferendis, & iniuria laceffendis patronis. Quid enim aliud inquit, &c.

Quin & manumittendi duas species.

Cicero in Topicis tres species refert, Censu, Vindicta, Testamento. Sed ex Cornelio duæ: una, qua libertatē plenam consequabantur: quæ à Seneca libro de uita beata, iusta libertas dicitur. Altera, qua non omnino fiebant liberi. Priori specie, hoc est, uindicta manumissos perpetuo esse liberos: sequenti uerò manumissi poterant in seruitutem reuocari, tanquam qui post libertatem uestigia retinerent seruitutis. Quæ profectò aliter traduntur in nostris libris ciuilibus. Erant enim Latini, aut ciues Romani, aut Dedititij: de quibus latè Caius in Institutionibus: quæ omnia temporibus in desuetudinem abiierunt.

Quasi iure Ciuili.

Tanquam uindicatus in seruitutem per ius Ciuile: cum tamen iussu principis iudicium factum fuisset: quo liberatus Paris ingenuus pronunciabatur: hoc est, qui natus esset ex parentibus ciuibus Romanis, & qui statim ut natus esset liber extitisset.

Vocare ex Italia cum quibus lege agi.

Erat enim auxilium Tribuni extraordinarium: neque licebat

cebat ex Italia quenkum ad Tribunalum uocari, cum quo
lege aliqua institui posset actio.

Ius hastæ.

12

Cum sectio fieret.

Ad retinendam populi fidem.

13

Quod uulgò nostri, Creditum, dicunt.

Uestigal quoq; quintæ & Vi-
cesimæ.

14

Ex mancipiorum emptione unum in singula x x v.
soluebatur populo: quod translatum in uenditorem, ha-
buit speciem tanquam si remissum esset. Sed cum uendi-
tores charius licitarentur, in emptore uestigal consiste-
bat: erat enim pars precij.

Dum quæ libidine deliquerant.

15

Dum furta defendunt largitione spectaculorum.

Vt leges cuiusq; publici.

16

Hoc est, ut conditiones publicanorum per scriptæ legi-
bus cuiusq; loci publici, quæ ad id temporis latuerant,
diulgarentur: et qui annum, quo petere ex lege aliquid
licebat omisisset, caderet à iure petendi.

Militibus immunitas.

17

Vt militibus immunitas seruaretur: qua uestigalibus
non tenebantur, nisi de ijs rebus, quas uenales haberent.
Veno autem dictum est, ut infra paulopost, posita ueno.

Germanici regnabant.

18

Aliàs, Germani.

Conuiuiali lecto.

19

Vbi cœnans accubabat.

Necq; dū Nero rerū potiebatur.

20

Non cōgesta nec clausa humo donec Nero regnauit:
post

post domesticorum cura leui tumultu coniecta.

Ipse diuersa simulatione.

21

Illi latabantur palam: ipse uero contraria simulatione
mœstitiâ prae se ferebat: quia tamen, &c.

Oblita insectatione.

22

Aliàs, obita insectatione: id est insectando ea, quae
facta erant Claudianis temporibus.

Vel tum mitigata.

23

Regressa labante iam Agrippina: uel tum mitigata cuius.

Subegit donis ingentibus.

24

Effecit, & tanquam impulit donis ingentibus.

Putcoli ius Coloniae, & cognomen
tum adipiscuntur.

25

Primo dictum fuit Dicæarchia: deinde Putcoli: post
remo à Nerone impetrauit ius & cognomentum Colo-
niae. Aliud est autem, habere ius Coloniae, aliud esse Co-
loniam: Vicus enim Parauisensium à diuo Seuero ius Co-
loniae impetrauit (autor Vlpianus) quo impetravit, ut
immunitatem haberet Coloniae, etiam milite, colono uel
non deducto: sed Colonias eas cognominabant, quae de-
ducebantur: illisq; interdum concedebatur, ut iuris Ita-
lici essent, interdum minimè. Puteolis ergo dedit Nero
ut Colonia cognominaretur, nulla deductione facta: &
immunitatē, iusque haberet Coloniae. quod si cognomen-
tum ad Neronem referas, Neronia colonia dicta fuisset,
quemadmodum post incendium Romam nuncupare de-
creuit Nicopolim, et Aprilem mensē Neronium, auto-
ribus Cornelio, & Tranquillo: cum tamen Neronij co-
gnomentum eius oppidi nusquam legatur. Idem supra de
Londino, Cognomento quidem, inquit, Coloniae non in-

signe: hoc est, ut Colonia diceretur. Præterea apud hunc non legimus deductionem militum, aut aliquid præterea simile: cum Cornel. tradat, ueteranos ascriptos Tarentum & Antium: quod hic, ut arbitror, non omisisset.

Domitis perduellibus.

26

Domitis hostibus: nam Perduelles ueteribus hostes significabant: testes Cicero & Iurisconsulti. Inde, Crimen perduellionis, de cæde: quia cum ciue iudicio & uerbis, cum hoste armis & manu rem gerimus, Ex quo accusatus fuit Horatius perduellionis, quia ciuem & sororem interfecisset, auctore Liuiio: & C. Rabirius similiter de cæde: de quo extat oratio Ciceronis pro C. Rabirio perduellionis reo. Mansit autem id nomen in nostris libris in eo capite maiestatis, quo tenentur, qui hostili animo sunt in rempublicam, & principem: hoc est, qui cædem principi molitus est: & qui exitium instruxit reipublicæ: de quo diffusè scripsi libro secundo Opinionum.

Breue littus.

27

Non profundum.

Sine iustis armis.

28

Non planè armatos: erant enim alia alarum, alia legionum arma.

Vt certus euentus.

29

Quod alibi, euenti, legimus.

Tabularijs quos memorauī.

30

In tabulis scribebantur testamenta: ideoq; Primæ sunt dictæ, & Secundæ tabulæ: inde Tabularij scriptores & obsignatores testamentorum: hoc est, testes: nam neque tunc tabellionibus utebantur, neq; testamēta aliter, quàm scrip

Scriptura, conficiebantur.

Sortiuntur. 31

Passiue, quod perrarum inuentu est.

Nam oblectamentis eius ini-
quum. 32

Scilicet, esse Senecam.

Auus meus Augustus. 33

Atium significat, itaq; proximè appellauit. Atauus autem quinto gradui distat, quoto Nero aberat ab Augusto: qui ex Tyberio nepotem Germanicum adoptauerat: ex Germanico uerò nata est Agrippina mater Neronis.

Nisi forte aut te Vitellio. 34

Vitellius ter consul, malis artibus plurimum potuit apud Claudium: à quo, cum illi pudendum in modum adularetur, honores, opesq; maximas assequutus est. Sed cum inquit, Me Claudio proponis: malim, Mihi Claudium præponis: alioqui nullus bonus elici potest sensus. Nisi ergo, inquit, aut te plus adeptum esse putas quam Vitellium, ter consulem, summis hominem opibus; & alterum ferè Imperatorem: aut mihi Claudium præponis, addictum mulieribus, & libertis, & uix mentis competentem.

Nihil grauius audenti. 35

Nihil esse illi subeundum grauius, si auderet, quam si segniter, & per ignauiam se trucidari pateretur.

Centurioni & Manipulo. 36

Manipulus constat sexaginta militibus.

Repètitum uenerantur. 37

Iterant honores acclamationibus: quod genus uenerationis

tionis describitur ab Aelio Lampridio. Acclamatum, Auguſte innocens, Dij te ſeruent: Alexander Imperator, Dij te ſeruent: Dij te nobis dederunt, Dij conſeruent: & cætera in eandem ſententiam.

Tibicinis Aegyptij.

38

Euccri, de quo ſupra.

EX LIBRO XV.

Hoſtiæq; quæ muniebantur. 1

Ordo eſt, aſſiſtens hybernaculis quæ muniebantur.

Ut inſtantem Corbuloni fate-
retur. 2

Vel hoſtem, uel metum ex hoſte.

Illum locum, tempuſq; conſilio de-
ſtinatum. 3

Deinde quid de Armenia cernerent adieciſſe Deos: ubi etiam clauditur, concluditurq; qui ſequitur ſenſus. Poſtremo, quando à Dijs decretum fuit, quid futurum Armenia ſit, quam in manu Parthorum poſuere, cedentibus legionibus Romanis, dignum eſſe Arſacidarum uel memoria ſœderum, uel commiſeratione fortunæ ut etiam de legionibus Romanis ſtatuere. Perinde eſt itaq; ut ſi ſcripſerit, expectare ſibi eſſe in animo fratres, & in id tempus conſilium & locū reiſcere: deos adieciſſe tamen quid cernerent de Armenia: dignumq; eſſe ſanuliæ nominisq; ſui, ſtatuere unā de legionibus Romanis.

Cæteris criminibus. 4

Malim, certis.

Qualis quiſq; habeatur alibi. 5

Quis unquam ita loquutus eſt, Alibi quā in ciuium
iudicio

iudicio: cum Alibi locum demonstret. Malim igitur, haud quaquā, ut ita legamus: Qualis quisq; habeatur alibi, haud quaquam in ciuium iudicio esse.

Plebi uolenti fucere.

6

Cornelius frequenter utitur hac forma dicendi, sumpta à Græcis. Sallustius item prope finem Iugurthini: Non tam diffidentia futura quæ imperauisset, quam uti militibus exæquatus cum Imperatore labor uolentibus esset. Græci *ἐξομοῦν* *εἶναι*, formare dicuntur.

Misit auspices duos.

7

Aliàs, missi auspices duo.

Vt totidem annos mensesq;.

8

Colligebant enim, tot annos interfuisse inter urbis instaurationem, & incendium hoc, quantum interfuit ab urbe condita incendium eius ab Senonibus factum.

Vanus assimulatione.

9

Vanus in eo, quod similitudinē suis esse credebat Lucaniq; carminibus: id enim est assimulatio. Idem supra: Præterita mala uetustis cladibus assimulantem.

Ergo Epicharis plura &

omnia.

10

Mendum hic esse arbitror: sed sensus fortasse talis est: Epicharis plura scelera orditur, & omnia facta à principe: ut sit, plura scelera orditur, et omnia principis. Neque senatui quod inane esset prouisum: sed prouisum, quoniam modo penes, &c. uulgò enim ita codices habent, Neq; senatus quod inane esset, sed prouisum. Ergo cum certissima sint, quæ parentur à senatu in exitium principis, accingeretur modo, &c.

C 4

EX

EX LIBRO XVI.

Non falsa ante somnia.

Admirans multa se uera per quietem antea uidisse,
tunc primum clusus.

Præficeret rationibus & libellis.

Illud his uerbis significatur, quod libro superiore plæ-
nius tradidit fuisse obiectum Torquato Syllano, quod
nobiles haberet, quos ab epistolis, & libellis, & rationi-
bus appellaret: nomina & meditata summe curæ.

Inducit.

Aliàs, induci.

Decretumq; ut more maiorum
puniretur.

Neroni cum quæreret, quid esset, More maiorum, re-
sponsum est, Nudi hominis ceruicem inferi furcæ, cor-
pusq; uirgis ad necem cædi. autor Tranquillus.

Iunius Germanici uocabulis.

Malim, Iulius: sequitur enim, Ideo Iunium trans-
missum.

Seu uitiorum inuitationes.

Aliàs, Imitationes.

Ad facienda pericula.

Alijs descriptis, ob signatisq;.

Quid mirum è longinquis prouin-
cijs adueniri.

Alibi, Non adueniri.

Nisi contra instituta.

Id est, nisi ex ciue hostis, proditorq; palam factus sit.

EX LIBRO XVII.

Hunc fuisse primum librū Annalium Cornelij, semper

*Hoc sine dubio verum est, et eius rei
argumentū indubitātū reperitur, si legas
per hiliari apologeticum.*

sum suspicatus: illumq; , blandiente postea profectu, longius ductis initijs , ad Augusti exactum Imperium, calamum retulisse. Nam si pars hæc fuisset posterior, haud tam multa illi repetenda fuissent, & perscribenda: tanquã aditum factura ad historiam: nec ipse, Initium operis, incepisset: & Opus aggredior, &c. Liuius quidem in parte præfatur: sed ita, ut coniungere cum præcedentibus posteriora scripta intelligas. Verumtamẽ idem Cornelius indicare diuersum uidetur: paulò enim infra ait: Quippe T. filium ad uenerationem cultumq; eius miserat, ut suo loco memorauimus. Nisi ibi malis, memorabimus (facili lapsu unius literæ, quæ promiscua interdum est) & ad initium sequentis libri referas.

Multi ad hæc & innumeri. 1

Aliàs, Milites ad hoc innumeri.

Magna adulteria. 2

Magnarum, nobiliumq; familiarum adulteria.

Seruorum manus subitis
auidæ. 3

Ad ea auferenda, quæ subito fortunæ munere obuenerunt.

Quoties expedierat. 4

Quoties expeditiones ageret: ut ad illud referatur: Nimirum uoluptates cum uacaret.

Ignaram magistratuum domi. 5

Quæ nullos unquam habuisset, nouisset uel magistratus, nisi externos: assueti Regibus planè parere.

Anulis donatum equestri
nomine. 6

Neminem latet, ex constitutionibus seruorum qui donec
tur anulis aureis, imaginem ingenuitatis consequi, non

c s esse

bertimis

esse ingenuum: nam Diocletianus & Maximinus Imperatores in hac uerba Eumeni rescripserunt, Aureorum usus anulorum beneficio principali tributus, libertinitas quo ad uiuunt imaginem, nō statum ingenuitatis præstat. Prioribus tamen constitutionibus plenam atq; perfectam præstabant ingenuitatem. Vlpian. Si ius anulorum, inquit, accipit, puto cum reuerentiam patrono exhibere debere: quāuis omnia munia ingenuitatis habeat. Idem alibi: Etiam si ius anulorum aureorum consecutus sit libertus à principe, aduersus huius tabulas uenit patronus, ut multis rescriptis continetur: hic enim uiuit quasi ingenuus, moritur quasi libertus. Supra ætatem uero Alexāndri Seueri, uel saltē temporibus Taciti, ius anulorum ad equestrem dignitatem spectabat. Tranquillus in Galba de hoc eodem Icelo: Icelus paulo ante anulis aureis, & Martiani cognomine ornatus, ac iam summæ equestris gradus candidatus. Idem de Asiatico: Primo imperij die aureis donauit anulis super cœnam: cū manē rogantibus pro eo cunctis detestatus esset seuerissimè talem equestris ordinis maculam. Tacitus lib. seq. Postulante exercitu ut libertum suum Asiaticum equestri dignitate donaret: inhonestam adulationem compefecit: dein mobilitate ingenij, quod palam abnuerat, inter secreta conuiuij largitur, honorauitq; Asiaticum anulis.

Non tam unum aliquem fouebant.

7

Non tam hūc aut illum, quā quēcunq; præter Othonē.

Augustus in domo successorem quæsiuit.

8

Id est, Augustus quæsiuit inter suos, inter propinquos, inter

inter eos qui sui nominis atq; gentis essent: ego inter ci-
ues & in republica.

Miseriæ tolerantur. 9

Feruntur quoquomodo.

Vnius familiæ. 10

Claudix, scilicet.

Adoptandi iudicium integrum. 11

Proprium, liberum, non commune cum fortuna: & si
uolueris eligere, inde cognoscitur, quod cōsensus omnium
sequitur eligētē: plerūq; enim electio est plurimū, et optimi.

Ab æstimantibus asciti. 12

Qui iudicio id fecerunt.

Cogitare quid sub alio. 13

Vel debes, uel cogita.

More diui Augusti. 14

Malim, exemplo diui Augusti, & more militari.

At illis uix decumæ super portio-
nes erant. 15

Id est, uix decumæ portiones supererant.

Inquieta urbs actionibus. 16

Malim, auctionibus.

Principalis matrimonij. 17

Id est, matrimonij principis. Similiter libro sequenti,
principalē paratū dixit: & fortune principalis insignia.

Per speciem conuiuij. 18

Quasi partem de conuiuiio daret.

Redemptoribus. 19

Redemptores sunt, qui suis cæmentis, suoq; labore
ædificant, constituto pretio. autor Vlpianus.

Qui mihi plurimum imputet. 20

Quis plus pro me contendat, meq; sibi plus obno-
xium

xium reddat opera gratiaq; sua, & plus pro me nitatur
Idem infra libro proximo: Neq; enim erat adhuc cui im=
putaretur.

Ad posterum uel odio.

21

Aliàs, ad postremum.

In quibus sordem & auaritiam
mutauerat.

22

Aliàs, notauerat.

Dextras hospitij insigne.

23

Idem infra lib. proximo: Centurionemq; Sisennam de=
xtras, concordiae insignia, Syriaci exercitus nomine ad
prætorianos ferentem uarijs artibus aggressus est.

EX LIBRO XVIII.

Paphiæ Veneris templum.

1

In Palæpapho illud erat promontorio: longe à Papho
stadijs LX.

Quidam ipsius Deæ nomen id.
perhibent.

2

Æriæ Veneris nomen nusquam legi: Acrae Veneris
templum est in monte prope Carpasiam, cui summo no=
men Olympus: quod nec adire nec uidere mulieribus li=
cet. autor Strabo.

Cum in uictores uictosq;.

3

Placuit expectari belli Othoniani exitum: quoniam
utrinq; mota magna mole armorum, pax nunquam certa
erat futura uictoribus & uictis.

Mixtis paganis.

4

Pagani à pagis, dicti sunt qui ibi habitant, aut inde
sunt oriundi, etiam si urbes colant nō recepti in ciuitatem
nullo

nullo propè numero, & plebei. Cicero pro domo sua: Nul-
lum est in hac urbe collegium, nulli pagani aut montani.
(Quoniam plebi quoq; urbanae maiores nostri conuenti-
culas, & quasi concilia quædam esse uoluerunt) qui non
amplissime non modo de salute mea, sed etiam de digni-
tate decreuerit. Suetonius Augusto: Pinarium equitem Ro-
manum cum concionante se admissa turba paganorum
apud milites subscribere quædam animaduertisset. Ideoq;
j. eodẽ libro Prætorianos milites Paganos appellat, quòd
Vicani urbem colerent: hîc uerò demonstrantur pagorum
incolæ. In libris uerò nostris ciuilibus Pagani sunt, nō mi-
lites: quòd unde ductum sit diximus alibi.

Obtentui fugientibus. 5

Causa & excusatio fugientium.

Bracchas tegmen barbarum. 6

Apparet Bracchas esse uestem: nam quas uulgò Brac-
chas hodie appellamus, Latini dixerunt Feminalia, à fe-
minibus. Tranquillus Augusto.

Omnia quæcunq;. 7

Rarum hoc apud Latinos.

Recens castris. 8

Qui recens è castris egrediebatur. Cice. Recens Roma.

Cum utrinq; tentasset. 9

Aliàs, utrunq;.

Rursus consiliaturi. 10

Aliàs, consulti.

Vt diplomata Othonis. 11

Edicta significat, & mandata principis cuiusq; modi
sint: id enim Diploma est, quòd duplicato contineri sole-
ret aut lino, aut alia materia: referturq; ad tesseram cur-
soriam:

soriā, quo significatu passim accipitur in nostris libris, ut in li. 12. C. de Cursu publico, & alibi. Hic uero tam cursoria tesserā, quā edicta ad naues, cōmeatus, et cætera temporaria pertinetiā, cōtinetur: quæ labentibus Othonianis partibus negligi cœperūt. Eadē significatione accipitur paulò infra: Diplomātibus nullū principē præscripsisset.

Per silentium audierunt.

12

Consueuerunt enim benè sentientes milites, acclamationibus preces adiuuare.

Nam qui deliberant desciverunt.

13

Dubitatio enim, ut scribit Cicero, cogitationem habet iniuriæ.

Quæ apud Vitellium excusanda erant.

14

Id est, posse Vespasianum ijs obligari, quæ contra Vitellium, etiam non pro se, facta fuerant.

Tam frustra quā recusauerat.

15

Augustum nomen religiosum faustumq; est. Tranquillus Augusto: Præualuit ut Augustus potius uocaretur: nō tantum nouo, sed etiam ampliore cognomine: quod loca quoq; religiosa, & in quibus augurato quid cōsecratur, augusta dicantur ab auctu, uel ab auium gestu, gustu uel: sicut etiam Ennius docet scribēs: Augusto augurio postquam incluta condita Roma est. tam frustra ergo assumpsit nomen fortunati & boni ominis, quā frustra recusauerat: cōcogit enim uulgus ut acciperet.

Quod non ex præpotentibus.

16

Fuit Thrasea semper suspectus Neroni. Ideoq; minus potens: quamobrem merito imprudentiam emulationis irriserunt:

irriserunt: ita enim malim, quàm impudentiam: nam si similiter Vitellius olim se opposuit Thraseæ, quemadmodum Helvidius illi: opportuit Helvidium fuisse Vitellij similem, Thraseam uerò Helvidij. Sed Thrasea in summo potius odio fuit Neroni, & Vitellius ob similitudinem morum, & propter patrem, in summa gratia. Imprudenter igitur contulit Thraseam, & Helvidium, &c.

Quod reuersis ab exilio iura libertorum.

17

Ius patronis dederunt leges ueteres amplum & multiplex in liberos: obsequium enim præstare tenebantur, & operas: aliter tamen, atq; aliter si essent officiales operæ uel obsequij: item alendi libertis erant patroni egètes. Modestini uerba sunt: Cum probatum sit contumelijs patronos à libertis esse uiolatos, uel illata manu atrocius esse pulsatos: aut etiam paupertate, uel corporis ualitudine laborantes, relictos: primum eos in potestatem patronorum redigi, & ministerium præbere dominis cogi: sin autem nec hoc modo admoncantur, à præside emptori addicantur, & pretium patronis tribuatur. Ex quibus pu- to facile intelligi, quid senserit Cornelius: nam cum exu- libus quibusdam bona ablata fuissent, & ius in liberos: ijs ab exilio reuersis, iura libertorum Vitellius concessit: hoc est, inter cætera ut alere patronos egentes tenerentur: quod tamen corrumpebant ingenia seruilis ab- ditis pecunijs, &c.

Sumptu Caiaræ aquæ.

18

Quid hic sibi uelit sumptus Caiaræ aquæ, haud quæ- quàm intelligo: deinde quid sumptus ad aquam facit. ma-
lin

lim ergo, Caianæ aulæ.

Suo met statu occultati.

19

Malim, suo met astu,

EX LIBRO XIX.

Cæterum ut transmitteret in
Italiam.

1

Vulgò in fine periodi legitur, credebatur itaq; sensus
esse poterit: Cæterum credebatur ascriptum & destinatum
socium Aponio reuiscere partes Vespasiani iterum se-
quuturo, ut impune, tutoq; transiret in Italiã, ibiq; utili-
tati esset Vitellianis. Supra enim inquit, Profugus, deinde
sponte remeauerat, perfidiæ locum quæsisse credebatur.

In Veronensibus pretium
fuit.

2

Id est, in Vicentinis species fuit, in Veronensibus
utilitas.

Mox omisis lictoribus.

3

Erat hic legatus Mæfici exercitus, & tamen licto-
res habebat.

Totis castris in fama proditio.

4

Tanquàm in ore, in sermone, in notitia hominum.

Et militibus principem auferre.

5

Malim, etiam milites auferre: primum, quia princeps
re ipsa nõ auferrebat, sed milites principi: dein-
de ut cõueniant quæ sequuntur, licet integros incruen-
tosq;.

Forte uicti,

6

Neminem, qui diligenter animaduertat, negaturum
arbitror, quin hic desyderetur aliquid: supplendũ autem
nihil

nihil duxi, adiutus nullo codice.

Currari sumpsissent arma.

Aliàs, cur rursus.

Cum teporem incusaret.

Cum non tepere quereretur.

Cui ciues, socij, externi inter-
essent.

Qui constaret ex ciuibus, & socijs, & externis.

Nobili gaudio Blæsum ui-
fendo.

Fecit ut crederetur facinus, quòd Blæsum uisit gau-
dio nobili, id est, eminente, illustri, manifesto.

Decoris securos.

Id est, omnia agentes sine cura decori, & honesti.

Simul cæterorum fides metu
intacta.

Et à cæterorum tentanda fide metu abstinuit.

Non sine motu adiunxit cæ-
terarum.

Scilicet, legionum.

Ius hominum.

Ius, quod gentium dicitur: quod apud omnes homines
natura duce peræque custoditur: quod Cicero ius nature
nominat.

Quoties pars altera inclinasset.

Sensus est, quoties pars altera inclinasset, & propter-
ea abderetur in tabernas, & in domos: postulabat popu-
lus eos erui dômibus & tabernis, ac iugulari. quamobrem
militibus in sanguinem & cædem uersis potiebatur po-
pulus maiore parte prædæ. Dictum est autē, Pars altera
à abditis

abdicti: eadem forma, qua alibi, Maior pars ruebant
in praelium.

Sed imputare perfidiam non
possunt.

16

Id est, prætendere non possunt, quod perfide egerunt,
se communis commodi cogitatione perfecisse.

Præcipiti in occasum die.

17

Tanquam ruente in occasum. Notissimum enim est
præcipitem ferè de omni re dici posse.

EX LIBRO XX.

Priscus regione Italiæ.

1

Decet secunda; in xi. enim regiones diuisit Augustus
Italiam.

Asiaticus enim is libertus.

2

Libertus hic fuit gratissimus Vitellio. Tranquillo, &
Cornelio autoribus.

Nec opibus Romanis attriti societa-
te ualidiorum.

3

De his idem Corn. lib. Vlti. Respicerent Rhetios, No-
ricosq; et cæterorum onera sociorum: sibi non tributa,
sed uirtutes & uiros indici. Ergo sensus est, nec à Roma-
nis attriti opibus, quod ualidioribus socijs euenit: uiros
tantum &c.

Simili oris dehonestamento.

4

Liuius de Annibale: Vigilijs tamen, & nocturno hu-
more, palustriq; cælo grauante caput, & quia medendi
nec locus, nec tempus erat, altero oculo capitur. Vulgoq;
id ita accipitur, ut oculum amiserit Annibal. Ideoq; Iuue-
nalis

*nalis: Portaret bellua luscum. Cætrum Acmylius Probus,
 autor non spernendus: Hoc itinere, inquit, adeo graui
 morbo afficitur oculorum, ut postea nunquam dextro be
 ne usus sit. Dicitur autem, Captus oculis, ut Captus mète,
 & qui mente caret ac oculis: & qui mente oculisq; non
 bene utitur: uno tamen caruisse oculo Annibal ferè credi-
 tur ab omnibus, & duces præterea bellicosissimi Antigō-
 nus, Philippus, Annibal, Scertorius.*

Traditore,

5

Proditore.

Cœpratam libertatem.

6

Capi inceptam.

Mare aggressi.

7

Aliàs, Ingressi.

Neq; aliud excusandum habeo.

8

Aliàs, accusandum.

*Vim responsi ex nomine Ba-
 silidis.*

9

*Hoc est futurum se Regem, quia Basilidē uiderat: nam
 Basilidēs, Græcis rex est.*

EX LIBRO XXI.

Priuatīs utriusq; rebus.

1

Cum neq; Vespasianus princeps, neq; Titus Caesar esset.

Vt superior sui iam crederetur.

2

Vt seipsum uirtute uinceret factus Imperator.

*Carminibus Homeri celebratam
 gentem.*

3

Strabo lib. 1. & 12. citat & refert hæc carmina ex Ili-

4 2

ade &

ade & Odyssea.

Conditam urbem Hyerosolymam
nomine suo fecisse. 4

Ordo: & sensus est: urbem conditam fecisse Hyerosoly-
mam nomine suo, id est, appellasse. Dixit autem nomen fa-
cere, pro eo quod est, imponere.

Admixto nitro in uitrum exco-
quitur. 5

Admixto uitro, legendum est, autore Plin. lib. 37.
Fama est, inquit, appulsa naue mercatorum nitri, cum
sparsi per littus epulas pararent, nec esset cortinis attol-
lendis lapidum occasio, glebas nitri è naui subdidisse,
quibus accensis permixta harena littoris, translucens
nobilis liquoris effluxisse riuos, & hanc fuisse originem
uitri.

Drusilla Cleopatrarum. 6

Progener ergo erat Antonij, cum maritus esset neptis
Antonij ex Cleopatra: Claudius uerò natus ex Druso &
Antonio minore, Nepos fuit Antonij. Indignatur
itaque Cornelius eiusdem Antonij fuisse pro-
generum Felicem, & nepotem Claudium:
illum libertum, hunc uerò princi-
pem Romanum, utrinque
ex nobilissimis fa-
milijs geni-
tum.

ERRATA

Pagina 16. uersu penult. sic lege: Fomenta, inquit, uulneribus nulla iussu suo. Sed quia cetera palam uana &c.
Pag. 26. uersu 14. lege, qui nullis. Et uersu 16. lege haustus.

Pag. 29. uersu 16. lege, fortuito, nullaq; &c.

d 3

Handwritten text, likely bleed-through from the reverse side of the page. The text is illegible due to fading and the texture of the paper.